



Broj: 01/02-01-10574-2/18
Zenica, 03.07.2018. godine

KOLEGIJ SKUPŠTINE ZENIČKO-DOBOJSKOG KANTONA
- svim članovima -

PREDMET: Amandmani I-V poslanika Samira Lemeša na Prijedlog Odluke o izmjenama i dopunama Poslovnika Skupštine Zeničko-dobojskog kantona-dostavljaju se

Poštovani,

U prilogu ovog dopisa, a radi razmatranja na sjednici Kolegija Skupštine, dostavljamo vam **amandmane I-V poslanika Samira Lemeša na Prijedlog Odluke o izmjenama i dopunama Poslovnika Skupštine Zeničko-dobojskog kantona**, imajući u vidu da je Kolegij Skupštine predlagač pomenutog akta.

PRILOZI: Kao u tekstu



SEKRETAR

Ebrahim Avdagić

Dostavljeno:

- Naslovu
- Svim poslanicima Skupštine/05-03
- pomoćnica sekretara Skupštine /04-01
- Zakonodavno-pravna komisija/04-02
- U predmet **80.** sjednice Kolegija/05-03
- U predmet **81.** sjednice Kolegija/05-03
- U spis predmeta **62.** sjednice Skupštine/05-03

Ibrahim Avdagic

From: "Samir Lemes" <slemes@gmail.com>
Date: ponedjeljak, 02. juli 2018. 22:00
To: "Ibro Avdagić" <ibrahim.avdagic@zdk.ba>; "jasmin duvnjak" <jasmin.duvnjak@zdk.ba>
Cc: "Midhat Delic" <delicmidhat@live.com>
Attach: Amandmani na Odluku o izmjeni poslovnika Samir Lemes.docx
Subject: Amandmani na Prijedlog Odluke

PRIMLJENO			
SKUPŠTINA ZENICKO-DOBROJSKOG KANTONA			
Primljeno: 02.07.2018.			
Org. jed.	Broj	Prilog	Vrijednost
01-01	10574	-1-2	10

Poštovani,

U prilogu dostavljam Amandmane na Prijedlog Odluke o izmjenama i dopunama Poslovnika o radu Skupštine ZDK.

S poštovanjem,
Samir Lemeš

Samir Lemeš
poslanik u Skupštini Zeničko-dobojskog kantona

Zenica, 2.7.2018

SKUPŠTINI ZENIČKO-DOBOJSKOG KANTONA

Predmet: Amandmani na Prijedlog Odluke o izmjenama i dopunama
Poslovnika o radu Skupštine ZDK, dostavljaju se

U skladu s odredbom člana 133 Poslovnika Skupštine ZDK – novi prečišćeni tekst (Sl. novine ZDK 7/12, 12/13), podnosim amandmane na Prijedlog Odluke o izmjenama i dopunama Poslovnika o radu Skupštine ZDK, kako slijedi:

AMANDMAN I

Iza člana 1 dodaje se novi član 1a, koji glasi:

"U Članu 9 stavovi (1), (2) i (3) mijenjaju se i glase:

(1) Nakon davanja i potpisivanja svečane izjave u Skupštini se osnivaju tri kluba poslanika konstitutivnih naroda i klub Ostalih (u daljem tekstu: klubovi naroda).

(2) Klubovi naroda su:

a) Klub poslanika Bošnjaka;

b) Klub poslanika Hrvata,

c) Klub poslanika Srba i

d) Klub Ostalih poslanika."

(3) Ako u Skupštini nema izabranih predstavnika nekog od konstitutivnih naroda ili iz reda Ostalih, klub tog naroda neće biti ustanovljen."

AMANDMAN II

U članu 2, rečenica "Ako u Skupštini nema poslanika, odnosno kluba nekog od konstitutivnih naroda, mjesto zamjenika predsjedavajućeg Skupštine iz tog konstitutivnog naroda ostaje nepopunjeno" mijenja se i glasi:

"Ako u Skupštini nema poslanika, odnosno kluba nekog od konstitutivnih naroda ili iz reda Ostalih, mjesto zamjenika predsjedavajućeg Skupštine iz tog konstitutivnog naroda ili iz reda Ostalih ostaje nepopunjeno "

AMANDMAN III

Iza člana 3 dodaje se novi član 3a, koji glasi:

"Član 13 mijenja se i glasi:

"Predsjedavajući može zasnovati radni odnos u Skupštini, za vrijeme trajanja mandata, u skladu sa zakonom, ukoliko ispunjava opšte uslove za postavljanje državnog službenika iz Zakona o državnoj službi BiH."

AMANDMAN IV

Iza člana 16 dodaje se novi član 16a, koji glasi:

"Član 65 mijenja se i glasi:

Nakon posljednje tačke dnevnog reda, poslanici imaju pravo, u okviru djelokruga Skupštine, da postavljaju poslanička pitanja i pokreću inicijative i traže obavještenja."

AMANDMAN V

Iza člana 34 dodaje se novi član 34a, koji glasi:

Član 195 stav (1) mijenja se i glasi:

"Na svakoj sjednici izdvojiće se sat vremena (Vrijeme pitanja) za poslanička pitanja i inicijative na kraju sjednice, kojem obavezno prisustvuju premijer i članovi Vlade."

Obrazloženje:

AMANDMAN I: Dosadašnji Član 9 bio je diskriminirajući za pripadnike nekonstituentnih naroda, odnosno poslanike koji ne žele da se izjasne o pripadnosti jednom od tri konstituentna naroda, koji pripadaju nacionalnim manjinama ili nekoj drugoj etničkoj skupini. Ovom izmjenom, omogućuje se da svi poslanici, bez obzira na njihovo izjašnjenje o etničkoj pripadnosti, budu predloženi za predsjedavajućeg ili zamjenika predsjedavajućeg Skupštine.

Podsjećam da je Amandmanom XXVIII na Ustav FBiH i Amandmanom VIII na Ustav ZDK garantovana **ravnopravnost** Bošnjaka, Hrvata i Srba kao konstituentnih naroda, **zajedno sa Ostalima** u Federaciji Bosne i Hercegovine, odnosno u Zeničko-dobojskom kantonu.

AMANDMAN II: Isto obrazloženje kao za Amandman I

AMANDMAN III: Iako Predsjedavajući Skupštine nije državni službenik, on je nadređen državnim službenicima koji moraju ispunjavati određene uslove propisane Zakonom o državnoj službi. Nije logično da nadređena osoba ima manje kvalifikacije od osoba kojima je ta osoba nadređena. Imajući u vidu da se pravo da neko bude biran za poslanika Skupštine ne ograničava državljanstvom, punoljetstvom, školskom spremom, zdravstvenom sposobnošću, izrečenim disciplinskim mjerama, (ne)vođenjem krivičnog postupka, ili sličnim uslovima, ovim amandmanom ne ograničava se to pravo, nego se ograničava **samo mogućnost profesionalizacije**.

AMANDMAN IV: Dosadašnja praksa da se pitanja i inicijative postavljaju na početku sjednice pokazala se kao kontraproduktivna, pa su sjednice počinjale s nekoliko sati zakašnjenja. Na ovaj način rad na sjednicama bio bi efikasniji, a skupštinska govornica ne bi se mogla zloupotrebjavati za predizbornu kampanju ili u druge svrhe.

AMANDMAN V: Isto obrazloženje kao za Amandman IV

S poštovanjem,

poslanik Samir Lemeš